

常山貞石志

常山貞石志卷二十三

護授頭議大夫直隸正定府知府今調廣平府知府前署大順廣兵備道沈壽讓

元九

太傅趙國清獻公董士珍神道碑

碑高一丈一尺廣四尺五寸四十一行行九十二字  
正書篆額至正七年二月朔日立今在豪城縣南董

村墓上

卅元勅賜貞懷董公神道碑

大元勅賜故資政大夫御史中丞贈純誠肅政功臣開  
府儀同三司太傅上柱國趙國公謚清獻董公神道之  
碑

翰林學士承旨榮祿大夫知制誥兼脩國史臣歐陽

園奉勅撰

翰林學士承旨榮祿大夫知制誥兼脩國史臣張起  
巖奉勅書

翰林學士承旨榮祿大夫知制誥兼脩國史臣姚庸  
奉勅篆額

至正四年冬十二月甲子

皇帝有勅賜中書左丞董守簡之父趙國清獻公士珍  
神道碑銘命翰林學士臣歐陽元為文翰林學士承旨  
臣張起巖書丹翰林學士承旨臣姚庸篆額臣園欽惟  
世祖皇帝經營四方之初于時橐城董氏兄弟以忠孝  
之門被眷顧之厚太傅忠獻公文炳總國兵旅出奮爪

牙入為股肱實將相之器太師正獻公文忠掌國符信  
入託心膂出司耳目實預帷幄之謀退而家居皆能崇  
詩書之風勵清白之操以貽其子孫故董氏身教之正  
家法之嚴為漢人公卿家第一其子孫踐揚臺閣為清  
名臣接武不絕當世文士操筆以發其潛光者大編巨  
帙開卷有之臣園維清獻公諱士珍字周卿正獻公之  
子也正獻公行第八

世祖親猶家人常以其行呼之清獻行亦第八以

世祖命侍

裕宗東宮

裕宗知之亦呼以

行而不名特加一小字以別其父焉清獻姿表峻潔衆  
中頽然寡言罕笑風度凝遠幼從許文正公學淹貫經

史通國言力超乘精射藝而能不銜所長與人交終日  
欽欽聽其論議煩簡皆當

裕宗嘗解御衣賜公

命公恒服公不敢褻惟侍

大燕則服之職典官膳日奉進膳雖或解后喜愠不時  
第見公至必為公改容

世皇晚命

東宮

裁決庶政至元十九年以公議參樞密院事蒞政未幾  
聽軍戶康氏子死獄燭微若神老吏咸服其明斷二十  
三年進同知上都留守司事公臨事敬慎而以寬厚行  
之府中號公長者時哥立尚書省崇任苛暴專以錢穀  
羨餘罔上希賞公所與倉庾出內均平不事稽覈  
世祖一日召公詰之對曰臣收粟不以高槩多取於民

出粟不以低槩少與於軍臣不敢為欺羨餘何從而出  
上大感悟遂罷賞令二十八年選為山東東西  
道肅政廉訪使下車風采振厲部內貪墨屏跡

成宗登極召為兵部尚書大德元年省臣議以公為兼  
書河南江北行省事未奏 太后有問亟遣中使

傳旨中書曰董士珍

青宮舊臣屢聞裕宗稱其

忠厚其人宜實近輔何為補外因留拜吏部尚書于是  
銓選稱允五年進拜江淞行省叅知政事將之官賜鈔  
萬五千緡使之治裝以旌其廉浙俗豪奢請謁無禁公  
到官趣尚儉素務以清靜鎮浮東南冠蓋遺老斯時猶  
有存者相與頌公雅德七年召拜中書叅知政事與右

丞相答刺罕左丞尚文等同心佐理機務大治廩然有  
中統至元之風焉會河東地震民多死傷 命公

往振卹之公躬自存問大發屬郡藏粟以繼乏食憚發  
獲全不可勝計還

朝大見獎異八年出為江西行省左丞疾作不赴退居  
橐城之九門改陝西行御史臺中丞力辭

武宗繼統移江南行御史臺中丞又辭疾稍閒挾書行  
田自樂賦畝有脩然世外之趣

仁宗初立用故事起諸老成會議大政公強起應

詔俄拜河南江北行省左丞適淮東鹽法積弊特

詔公往治之公至淮揚繩削剗右豪猾宿蠹鹽筴

大通皇慶二年漢人中執法闕

仁宗與臺臣謀其人既而曰方今無以易董士珍者驛  
召公還比入見趣赴臺臺中有所按劾或不得

旨至三復奏必俞允乃退

仁宗天表英毅侍臣

見公執奏不已相顧動色公屹然不回

上輒歎

曰董中丞直人也嘗一日論事榻前不合

指意

進曰臣等死生至微

國家政事得失至重臣若

顧其至微而使君有過舉國有關政生何面目立人朝  
乎故臣寧死不願為此中書以四方災異欲遣使者循  
行郡國公曰今時急務選賢能任守令刑省歛薄其民  
自安災沴自息使者雖不循行不害為治若官冗政弊



使者旁午四出徒增擾耳事遂寢省臺雜議禁地圍獵  
座中有犯言者當以極刑公曰殺其麋鹿者如殺人之  
罪可乎倡論者猶未已公復言曰刑名各有攸司法當  
付刑部議耳其語遂塞公在言路雖直言不諱然未嘗  
好訐賣直惟恃至誠可以感動奏彙每自焚之為它官  
則務持大體不問不言居中書曰

天子下議發兵討西南夷臺臣力諫不納公偶侍左右  
承顧問從容對曰臺臣言是

上意自解立朝四

十餘年絕跡勢塗公餘却掃人獲造其賓次者如登李  
膺之門性少嗜好侍無賤妄言動可法群從中表每嚴  
憚之延祐元年夏四月扈從

上京秋七月二十

日將還而薨年五十有九家貧幾不能喪曰

上聞而悼之賜鈔二萬五千緡給驛馬送其柩南還以  
八月 日葬於真定之祖塋公之初薨大司農張

晏狀其行既葬翰林學士元明善銘其墓故凡董氏家  
世伐閱書之已詳然公之勲業其 在中 書則當大德承

平之世其在憲臺則當皇慶更化之日

朝廷

清明俊乂在列公生平學術得諸父命師訓所為尊

主芘民者靡不推行於其間蓋有不可一二而枚

數者且董氏父子兄弟前則正獻以忠獻為之兄後則  
清獻以正獻為之父求其立事建功偉然有自見於父  
兄盛名之列可謂難矣然正獻之為正清獻之為清各

守其志終於競爽濟美並稱于時烏庠休哉曾祖所贈  
光祿大夫大司徒追封趙國公謚宣懿祖俊龍虎衛上  
將軍右副元帥知中山府與金兵戰沒于陣贈推忠翊  
運效節功臣太傅開府儀同三司上柱國追封趙國公  
謚忠烈考初贈光祿大夫大司徒壽國公謚忠貞後進  
贈體仁保德佐運功臣太師開府儀同三司上柱國追  
封趙國公改謚正獻母顧氏初追封壽國夫人後追封  
趙國夫人公娶柴氏先公七年卒追封趙國夫人儉德  
治內有相成之道焉子男六人長守中正奉大夫江南  
湖北道肅政廉訪使薨贈存誠守正忠亮功臣正奉大  
夫樞密副使護軍追封趙郡公謚靖獻次守庸資德大

夫江浙行中書省左丞次守恪贈奉訓大夫禮部郎中  
次守遜奉議大夫潁州知州次守簡今資德大夫中書  
左丞次守康早世皆能保守家學誠愍忠直蔚為名卿  
女三人長適鎮陽王孫正議大夫興國路總管史熒次  
適韓 次因母喪哀毀一日而絕孫男十七人結中

奉大夫甘肅行中書省叅知政事鉉章佩監異珍庫使  
鐫宣徽院判官鑰監察御史鑽尚冠奉御錢掌簿奉御  
鐫內供奉鉞內供奉銑鎰鎰鑽鐫鉅留僧七兒未仕其  
行已服官又皆桀戾先祖孫女六人長適無為州同知  
鄭鄭次適崇福寺丞張歪頭次適右衛親軍都指揮使  
塔海帖木兒次適平陽翼萬戶鄭君用餘在室曾孫六

人長輔臣內供奉次淵臣獻臣良臣靖臣方董氏請謚  
太常考德三世皆謚以獻蓋以表董氏子孫之象賢云  
銘曰

允矣清獻玉瑩金精名父名師追琢夙成圖圖印印為  
國重寶動止有儀進追有道維昔

□□馭下嚴威正獻在側始終不違君前臣名乃以行  
呼父子唯諾移於都俞清獻宿衛命侍 春宮裕

皇呼之行與父同矧又同德忱恂周密事

君如天唯應以實初掌留鑰大體是持出界蕩節悉心  
諏咨遠陟宰路諳默有常及筵臺端直言其昌不韋不  
絃隨事揆義弗滯於偏成德不器計吏取贏乘時希寵

侃侃清獻不為利動上前擊姦同列股弁清獻謬謬

當宁稱善公退間居手執奏藁嘉謀自

上

匪臣入告息翼故鄉躬治稿事不崇游觀以蕩後志維  
趙董氏自歸我

元子孝臣忠萃其一門國人諸部匪勲即舊綴衣趣馬  
獲侍 左右維趙董氏恩視國人親之任之世產

蓋臣鼎峙三臺櫛比兩府維清維白董氏宦譜帝若曰  
左轄汝丞弼予予雖汝嘉汝父有令譽予命詞臣叙汝  
先德汝其實之壽以貞刻匪鍾而銘匪鐵而券爾後萬  
子孫徵是文獻

至正七年歲次丁亥二月朔日

建

恒陽

王口

口刊

右神道碑歐陽園奉勅撰張起巖奉勅書姚庸篆額  
文爲今本圭齋集所無臺城縣志載此文已非完本  
而銘詞又與此全異園列街爲翰林學士承旨攷危  
素撰圭齋先生行狀至正改元九月南歸明年復起  
爲翰林學士三年詔脩遼金宋三史召爲總裁官五  
年進翰林學士承旨榮祿大夫知制誥兼修國史六  
年御史臺奏除福建廉訪使行次浙西疾復作因請  
致仕十年秋復授承旨本傳略同碑撰於至正四年  
而起巖書碑當在五年時園當已擢承旨故列街云  
云姚庸元史無傳里籍未詳名見順帝本紀及宰相

表云至正四年三月由集賢大學士除中書左丞九月爲承旨士珍元史不爲立傳碑稱公之初薨翰林學士元明善銘其墓今元集不傳碑亦未見拓本土珍事蹟幸有此碑而存碑有七年召拜中書參知政事與右丞相荅刺罕左丞尚文等同心佐理機務大

治云云案荅刺罕卽哈刺哈孫幹刺納兒氏

劉敏中丞相順

德忠獻王碑作幹羅那氏

曾祖啟晉禮事太祖爲千戶賜號荅刺

罕至元九年世祖錄勲臣後命掌宿衛襲號荅刺罕自是人稱荅刺罕而不名歷官至太傅右丞相和林省事至大元年薨追封順德王謚忠獻事蹟詳元史本傳及劉敏中撰忠獻王碑輟耕錄云荅刺罕譯



言一國之長得自由者也非勲戚不與此碑稱荅刺  
罕而不名正與傳合尚文元史有傳案士珍拜參知  
政事宰相年表參知政事董下注云四月至十二月  
本紀與尚文同是二月拜而宰相年表左丞尚文下  
注云三月至十二月又右丞相哈刺哈孫下注云九  
月至十二月本紀作七月彼此皆不符二者必有一  
誤守中有墓碑尚存守庸嘗書提舉天賜場鹽使司  
事董公墓碑及內供奉董公碑守恪英宗時歷禮部  
尚書見嘉靖真定府志仕籍表守遜嘉靖志至和初  
爲潁州尹守簡歷官至御史中丞事蹟詳虞集撰忠  
肅公神道碑銘及黃潛奉勅撰忠肅公神道碑又碑

云女三人長適鎮陽王孫正議大夫興國縣總管史  
燮案鎮陽王卽史天澤其孫附見本傳者惟格子耀  
福建行省平章政事榮鄧州舊軍萬戶姚燧平章政  
事史公神道碑稱格子七人燿榮餘未名又王磐中  
書右丞相史公神道碑謂天澤有子八人格樟棣杞  
杞梓楷彬男孫十六皆不著其名又姚燧僉書樞密  
院事董文忠神道碑云公女三人長適中書左丞史  
彬女孫六人長適左藏庫大使史燮燮疑卽彬子又  
孫男十七人孫女六人鉞鎧及適鄭郊之孫女皆守  
簡子見黃潛忠肅公神道碑鎬守中子亦見忠肅公  
碑又樞密副使靖獻公碑稱承務郎內臺監察御史

子董鑰謹書是也鑄見嘉靖府志謂文宗時歷樞密使縣志稱樞密肅獻公鈗嘉靖志縣志並云順帝時爲秘書少監鎬嘉靖志謂順帝時歷浙江廉使縣志作浙江廉副燧嘉靖志謂順帝時宣徽院判餘皆無攷又碑曾孫六人淵臣見府縣志並云至正間歷保定路治中餘無攷

隴西靖獻公董守中墓碑

碑高五尺五寸廣二尺一寸五分三行行十字隸書題名一行正書無年月今在臺城縣南董村墓上

有元贈存誠守正忠亮功臣正奉大夫樞密副使護軍儀西郡靖獻公墓之墓

承務郎內臺監察御史子董鑰謹書

右碑董鑰書守中爲御史中丞清獻公士珍長子官  
正奉大夫江南湖北道肅政廉訪使薨贈有誠守正  
忠亮功臣正奉大夫樞密副使護軍追封趙郡公謚  
靖獻子鑰監察御史見至正四年歐陽原功撰清獻  
公神道碑元史士珍傳不載其名蓋史之略也惟清  
獻公碑作追封趙郡公而此作隴西郡疑趙郡爲後  
來改封又吳文正公集有趙國董正獻公家傳後序  
適孫守中今參知湖廣行中書省政事據此則守中  
又嘗參知湖廣行省政事矣董鑰事蹟罕見惟見元  
史忠義傳稱石普字元周徐州人至正五年進士淮  
東西盜起朝廷方用兵普以將略稱同僉樞密院事

董鑰嘗薦其材云云縣志謂官至廣東廉使此皆係後來所歷之官立碑時官尚未顯也又至正八年黃潛奉勅撰忠肅公神道碑稱公兄子鑰爲太常禮儀院判官清獻公碑撰於至正四年鑰列銜爲監察御史知太常禮儀院院判卽四年後清升之官據此則是碑當立於八年以前無疑矣至於守中之改封趙郡其歲月竟無可攷云

封崇寺住持圓明了性大師行業碑

碑高五尺廣二尺二十二行行四十四字  
正書篆額至正七年四月立今在行唐縣

封崇寺住持圓明了性大師行業碑

保定路行唐縣封崇寺住持圓明了性大師傳成宗主

行業碑

奉議大夫汝國府息州知州兼管諸軍與魯勸農事  
進士董珪撰

保定路行唐縣儒學教諭張濤書

保定路博野縣儒人趙文振篆額

師姓殷氏 諱祖進世為行唐人生於

有元中統之三年父母以其生不利已遂捨之於縣封  
崇寺禮寺監議祝髮為浮圖修竺乾道是無何讓卒讓  
之上足潤憫其幼也訓養之恩禮甚至年稍長潤令四  
方參學侍真定福聖照公講席者數年歲時衣物皆潤  
之力厥後師內典既明道益進縣公嘉其領悟乃賜披

紅衣俾嗣其法焉至元二十九年母亡還鄉里適潤厯世師親為持服營葬事喪之如慈父敬之如嚴師每潤忌日必致齋飯僧以資冥福如此者十年報其德也寺僧福信輩就請為住持師性剛方僧衆莫不俯首聽命大德七年創建鐘樓三楹高若干尺至大三年復構大雄殿五楹勢位尊崇金碧絢爛以至庖館僧舍悉斬然一新師戒律精嚴歲轉五大部經日誦菩薩戒本暨金剛般若藥師諸經為課至老不衰一日示弟子疾屬以後事奄然跏趺而化享年七十有七凡為僧者六十九年時至元再元之三年二月初一日也其徒福資以其師之葬無文以紀之遠來乞文余與師為方外友者餘

二十年誼不可殫遂為銘曰

惟師之德 既萬且寶 浩入性海 空門之特 真  
正之見 精進之力 敢用茲文 勒諸貞石

晉大元至正七年歲次丁亥四月吉日門人住持僧悟  
真大師講經沙門 福資立石

保定等處管民長官徐光祖

保定路行唐縣典史郝禮

保定路行唐縣尉齊思誠

進義副尉保定路行唐縣主簿戚庸

承事郎保定路行唐縣尹兼管本縣諸軍吳魯勸農

事趙鼎



將仕佐郎保定路行唐縣達魯花赤兼管本縣諸軍  
與魯勸農事馬思忽

曲陽縣石匠作頭劉成刊

右碑董珪撰張濤書趙文振篆額文振濤俱無攷靈  
壽縣志有董珪字君實靈壽人性恬淡不樂仕進學  
者稱之曰靈山先生畿輔通志有董珪字君章祁州  
人登至治辛酉狀元歷知潁州事恐皆非撰碑之人  
又碑後銜名六行達魯花赤馬思忽諸人方志皆失  
載保定等處管民長官元史百官志無

隴西武顯侯董士表神道碑

碑高九尺三寸廣三尺七寸二十五行行二十七字  
正書篆額至正八年九月立今在橐城縣南董村墓

上

皇元贈昭陽將軍龍紹興使正獻董公  
祠道碑記

大元定遠大將軍洪澤屯田萬戶贈昭勇大將軍後衛  
親軍都指揮使上輕車都尉追封□西郡侯謚武獻董  
公碑

翰林侍 講學士中奉大夫知制 誥同脩 國史  
同知 經筵事揭傒斯撰并書

嘉議大夫禮部尚書趙期頤篆額

有元開國功臣世公世侯男無賊吏女無再嫁孝友忠  
正守家法如律令惟橐城董氏金以殘暴立國百有餘

歲中原生生之意斬然極矣於是天命

太祖聖武皇帝拯亂拯民建國九載而金主遷汴董忠烈公俊灼知天意所在率衆北歸擢知中山府歷龍虎衛上將軍行元帥府事遷左副元帥以歲庚辰逐金主歸德力戰死死有九子皆國器歷事

累朝或以雄武佐定天下或擁旄節為國藩維或以忠鯁為

帝腹心亦以子橐長文直甘守下位率家政于內故其三兄五弟得致身于外遂使一門父子兄弟佐命翼運蔚然為一代開國元勳歷數世而愈盛蓋世能以不殺不貪為本也橐長之子士表字晉卿早從伯父忠獻公

文炳平六詔擒李璫取江南號稱勇智初忠獻鎮正陽以制淮漢至元九年十有一月宋將程鵬飛自安豐夜劫正陽公戰却之十一年五月宋將夏貴復窺正陽又戰却之九月從大兵渡淮與宋將孫席臣戰明年五月伏口揚子橋與宋兵戰七月大戰焦山皆有功丞相阿朮阿塔海親錄其功上之授武略將軍管軍千戶管領鄧州新翼軍馬

賜織金服七寶鞍轡繼殺忠獻略地閩廣從忙兀臺討南鯽沙縣之亂以功再遷宣武顯武二將軍兼福州達魯花赤俄進懷遠大將軍岳州提管尋改明威將軍佩金虎符為副萬戶管領鄧州新軍翼萬戶府事廿二年

以升縣上萬戶府副萬戶收海艘閩中因以為行省都  
鎮撫明年置洪澤屯田三萬戶復懷遠大將軍仍為萬  
戶以大德元年六月廿一日年五十三卒以 年

月 日蔡邑之九門口瑩公在軍嚴紀律信賞罰  
能撫愛士卒故士卒皆樂為用所向有功焦山之戰宋  
將張世傑驍將也破萬艘江中勢口甚將戰公獨請先  
忠獻以公憲兄弟不許固請乃許遂與忠獻之子士選  
乘輕舸翼忠獻以進與守兵皆殊死戰自旦至午大敗  
宋師故是戰丞相阿朮等獨多董氏大德二年子守義  
襲襲十有四年以母老辭歸養不許延祐七年十二月  
卒累階懷遠大將軍子釗襲泰定三年贈公臨勇大將

軍後衛親軍都指揮使上輕車都尉追封隴西郡侯謚  
武獻配耶律氏以皇慶元年七月朔卒年 追封

隴西郡夫人守義通詩書善騎射其居官臨政皆以父  
為師人畏而愛之贈昭勇大將軍前衛親軍都指揮使  
上輕車都尉追封隴西郡侯謚昭懿配趙氏追封隴西  
郡夫人孫男四鈞由內供奉厯典瑞院經歷 奎章閣  
學士院參書宣忠扈衛親軍副都指揮使次即釗皆趙  
夫人出次誤內供奉母楊氏次鐔母郭氏釗之寵萬戶  
也以鈞讓鈞之子長請復之不受曾孫男十人贊臣謙  
臣顯臣達臣敬臣清臣信臣泰臣親臣敏臣忠烈公累  
贈推忠效節翊運功臣太傅開府儀同三司上柱國趙

國公謚忠烈銘曰

人有恒言 將無三世 彌久而昌 吾見董氏 云  
胡董氏 能匠於斯 不殺不貪 為德之基 惟其  
不殺 生生不窮 惟其不貪 庶耻之宗 不殺近  
仁 不貪近義 仁義之門 福祿攸萃 泯泯武獻  
人畏吾往 身經百戰 一萬夫長 一萬夫長 子  
孝孫賢 有繼有傳 何愧後先

至正八年九月

日建

廬陵端

□

杜瑛撰

刻

右碑揭侯斯撰并書趙期頤篆額侯斯元史有傳其  
列銜爲翰林侍講學士中奉大夫知制誥同修國史  
同知經筵事與黃潛揭文安公神道碑合本傳遺其

知制誥同修國史蓋史之略也案侯斯以至正四年七月卒此碑當書於至正二三年間至八年立石時侯斯已歿五年矣期頤元史無傳文宗本紀至順二年正月己亥遣吏部尚書撒瓦佩虎符禮部郎中趙期頤佩金符資卽位詔告安南國且賜以授時囑陶九成書史會要云趙期頤字子奇汴梁人官至陝西行臺治書工於篆宋濂潛溪集云宛邱趙期頤以書名世得之吾衍者爲多又元史歸賜傳載期頤爲中書參議時偕員外郎李稷謁賜私第致脫脫之命屬草入相詔賜辭期頤知不可屈乃已又黃文獻公集至正七年奉勅撰揭文安公神道碑八年二月奉勅



撰忠肅董公神道碑皆稱禮部尚書臣期頤篆額列  
銜與此碑同據此則是碑之額當亦篆於前後兩年  
間已士表元史無傳文炳傳載其焦山之役固請從  
戰一事碑所敘戰事大略詳文炳傳阿朮阿塔海元  
史有傳忙兀臺卽忙兀台沙縣之亂忙兀台傳載之  
蓋至元十六年事也碑謂守義襲職以延祐七年卒  
子釗襲守義事蹟詳虞集所撰隴西昭懿侯神道碑  
又碑云公孫男四鈞由內供奉厯典瑞院經歷奎章  
閣學士院參書宣忠扈衛衛親軍副都指揮使次釗  
襲萬戶次鐸內供奉次鐔曾孫十人惟贊臣謙臣官  
位見府縣志餘無攷元史百官志典瑞院掌寶璽金

銀符牌有經歷二員從五品又奎章閣學士院其屬  
有參書從五品至順元年增置二員宣忠扈衛親軍  
百官志不載兵志宿衛有宣忠幹羅思扈衛親軍都  
指揮使司文宗本紀至順元年五月辛未置宣忠扈  
衛親軍都萬戶府秩正三品總幹羅思軍士隸樞密  
院十月壬子立宣忠扈衛親軍都萬戶營於大都北  
市民田百三十餘頃賜之十二月宣忠扈衛幹羅思  
屯田給牛種農具二年四月甲寅改宣忠扈衛親軍  
都萬戶爲宣忠幹羅思扈衛親軍都指揮使司賜銀  
印又見兵志屯田內

武獻侯董士表墓碑

碑高五尺五寸廣二尺八寸五行行九字題款  
一行並正書無年月今在臺城縣南董村墓上

有元故定遠大將軍洪澤屯田萬戶贈昭勇大將軍後  
衛親軍都指揮使上軒車都尉追封隴西郡侯謚武獻  
董公墓

前翰林 國史院編修官登仕郎弟士庶書

右碑無年月所題官階爵謚與至正八年所建士表  
神道碑同當卽前後數年中所立因附於神道碑之  
後書碑者士廉文用子士表之同祖兄弟也

隴西昭懿侯董守義神道碑

碑高八尺五寸廣四尺三十行行六十七字正書篆  
額失拓至正八年九月立今在臺城縣南董村墓上  
有元故懷遠大將軍洪澤屯田萬戶府萬戶贈昭勇大將

軍前衛親軍都指揮使上輕車都尉追封隴西郡侯謚  
昭懿董公神道碑

前奎章閣侍書學士翰林侍講學士通奉大夫  
知制誥同修國史虞集撰

前中奉大夫河南江北等處行中書省參知政事王  
守誠書嘉議大夫禮部尚書趙期頤篆

惟董氏世為真定之藁城人

國朝興邦方金人不能有其土董氏三世隱田間未有  
以自拔也至四世以勇冠其鄉邑鄉之豪傑畢起而從  
之遂率其衆歸國朝而藁城為根本之地歸為之令  
謹守望以保生民揀才勇以待時用時官制未定歸

國者增戶口田賦之數以誇大爲勝軍興輒受其弊藁  
令獨以小邑受事力紆而役減邑境以圍數年

□□□有事於金奉命戰金主於河南死之而董氏  
之宗自此始是爲龍虎衛上將軍左副元帥諱俊累贈  
推忠翊運効節功臣太傅開府儀同三司上柱國趙國  
公諡忠烈者也忠烈□九子次六文振次九文義先卒  
其長以中書左丞將兵滅金取宋贈宣忠佐運開濟功  
臣太尉開府儀同三司上柱國趙國公諡忠獻諱文炳  
次二侍衛千戶諱文蔚次三以文□立朝爲御史中

丞贈宣猷佐理功臣翰林學士承旨銀青光祿大夫  
知制誥兼脩國史少保趙國公諡忠穆諱文用次

五以副使宣慰荆湖諱文毅次七順德□判官諱文進  
次八事 禁衛典瑞內廷僉樞密院贈體仁保德佐運  
功臣太師開府儀同三司上柱國趙國公謚正獻諱文  
忠其次四則繼忠獻令藁城諱文直者也忠獻上其贈  
光祿大夫司徒趙國公謚宣懿諱昕是為董氏不遷之  
宗身為禰而子孫宗之者則次四府君為洪澤之宗矣  
其令藁時昆弟有王事皆仰給于家得以廉節成其功  
皆□令之力而其民之生聚教養尤裕如也及藁有新  
令即歛裳棄梓而兄弟皆貴顯忻然無所動其心而終  
身焉及忠獻督大軍臨江宋將張世傑悉衆致死於我  
藁令之子士表□甲請先士卒忠獻知其勇而念藁令

之無他子止之固請通聽行俄大捷奏功立除鄧州新  
宣萬戶宋之既平 詔諸部萬戶各以其兵分□列郡  
議者以為東南鎮兵各有分地而淮甸之間環數千里  
久苦戰爭民散而土曠宜考古屯田之地置萬戶府得  
才略可信任者主之教以農務部以軍法足食足兵制  
要衝之長策也 朝廷乃置屯田於洪澤自新鄧萬戶  
以定遠大將軍佩金帛符來帥之幾季而功成及卒贈  
昭勇大將軍後衛親軍都指揮使上輕車都尉追封隴  
西郡侯謚武獻去公諱守義字子宜則藁令之孫而武  
獻之子也母劉氏追封隴西郡夫人以庚午季十月十  
四日生公公弱冠嗣其世官以懷遠大將軍佩金帛符

為洪澤屯田萬戶府萬戶凡所以勸士卒省耕歛均力  
役嚴約束慎隄防以成歲功者寬而有制明而不苛一  
以武獻為師是以容民畜衆上下信而安之也初屯之  
陂塘多仍其舊隘不足以容水公漸開之廣袤四十五  
里作木岸二百五十丈於塘口禦風浪之衝而水利無  
復遺患然地勢卑下行潦時至廬舍歲憂漂流公乃循  
隄置牐牐有驛以容守者凡廿二所皆有名汴省用其  
言稱事以祿其人□為恒制初置屯時耕者不足募私  
鹽之徒以充役欲因而生之然久玩過失民以為患命  
部伍之長識其所為以待懲勸後皆知耻為良民公歎  
曰化民莫善於教教莫先□□官屬之子弟延名師



以教之既而請於 朝設夫子廟學置教授如諸衛列  
營之法親與為禮以講肄之而文史有足用者矣蓋公  
之為治皆當平世是以先志之所存者以敘成焉公性  
孝謹歲時家祀哀慕不勝嘗以母老請歸養不許教子  
有法身儉約以率先之有餘不妄廢至於供養親戚長  
者推所有不厭不倦部曲有疾病每親為醫藥故樂為  
之用使生用兵之時足以立勲業為文儒不失傳循吏  
守職分以行其素無所矜伐可識者僅如此豈足以盡  
其人哉延祐七年十二月初一日卒贈昭勇大將軍前  
衛親軍都指揮使上輕車都尉追封隴西郡侯謚昭懿  
娶趙氏元帥煒之女有賢德先公二年卒追封隴西郡

夫人台葬九門之先塋子四人長鈞□宿衛除典瑞  
經歷□□奎章閣祭□叅書置宣忠邑衛軍遷官為  
副都指揮使佩金帛符讓公爵於母弟劉襲武德將軍  
洪澤屯田萬戶府萬戶佩金虎符次三錡□宿衛次  
四錡女五適淮安□□□□適涑水縣尉劉兢次  
適趙裕次繼室于趙次適武衛指揮王善果孫男十人  
孫女五人銘曰

□□世家與國並興久於治平名以德稱董  
氏之先功在社稷干鉞于征帷幄淵密孝忠  
質庶祖孫一心各究其誠為國荷任昔在  
□□□□而服楚地伏討思置心腹楊其戎

衣 稽事是程 萬夫芸芸 隱如長城 粳粳良耜  
皇祖所使 旆旌悠悠 四世□此 砥京歲登 轉  
寶國都 □□先安 □澮□廬 乃設庠序 於其  
間暇 教以知方 不怒而化 昔在至元 善保勛  
門 罔俾一家 並帥兩軍 忠烈忠獻 各建其旅  
獨以園疑 □□仲□ 公子禁林 瑞節圖書  
新作宣忠 顯服金菟 天錫有時 均被先澤 歸  
視甫田 有允斯赫 別塋九門 松柏西東 豐碑  
刻辭 來瞻來崇

至正八年九月 日建 廬陵諸生羅琛等□

右碑虞集撰王守誠書趙期頤篆額期頤列銜與士

表碑同元史集本傳集除奎章閣侍書學士在文宗  
朝碑書前奎章閣云云則此碑當撰於至順以後矣  
又列銜有翰林侍講學士集傳載泰定間拜翰林直  
學士兼國子祭酒蓋史之略也守誠字君實太原陽  
曲人泰定元年賜同進士出身授秘書郎至正五年  
遣使宣撫四方除河南行省參知政事事蹟詳元史  
本傳案黃文獻公文集有至正七年奉勅撰揭文安  
公神道碑八年四月董忠肅公神道碑並稱守誠奉  
勅書列銜河南江北行中書省左丞據此知是碑當  
書於至正七年前文爲道園學古錄所不載

昭懿侯董守義墓碑

碑高五尺六寸廣二尺八寸五行行九字  
正書無年月今在藁城縣南董村墓上

有元故懷遠大將軍洪澤屯田萬戶贈昭勇大將軍前  
衛親軍都指揮使上輕車都尉追封隴西郡侯謚昭懿  
董公墓

右碑無年月及書碑人名審其字體與士表墓碑同  
當是士廉所書同時建立

冀國忠肅公董守簡神道碑銘

碑高一丈三尺廣四尺六寸右側八行碑面三十八  
行左側八行共五十四行行九十三字正書篆額至  
正八年十一月口日立今  
在藁城縣南董村墓上

明元翼國忠肅公董守簡神道碑銘

大元故榮祿大夫御史中丞贈推誠佐治濟美功臣河

南江北□□□中書省平章政事柱國追封冀國公謚  
忠肅董公神道碑銘并序

奎章閣侍□學士翰林侍講學士通奉大夫知制誥  
同修國史虞集撰

集賢侍講學士通奉大夫兼國子祭酒蘇天爵書

翰林學士承旨榮祿大夫知制誥兼脩國史張起巖  
篆額

至正六年夏四月

大駕時巡上京命榮祿大夫御史中丞董公守蘭畱居  
大都五月庚子以疾薨于位省臺以聞

上為震悼賜錢二萬五千緡給喪事以六月癸酉葬於

真定藁城九門之先塋公卿大夫相弔於朝士庶交歎  
於其里親戚故人近則聚哭遠則以書相慰唁無間言  
也故事大臣既葬則載其功德行事歲月於金石表諸  
墓道禮也昔在我

太祖

宗時興朔方中州離尤甚光祿大夫司徒趙國宣懿公所其  
子日贈推忠翊運效節功臣太傅開府儀同三司上柱  
國其衆來歸其歲右  
馬衛上將行元帥府  
副元帥其九子皆篤

其長曰資德大夫中書左丞僉樞密院事贈宣忠佐  
運開濟功臣太尉□□□□□□上柱國趙國忠獻公  
諱文炳□□□□□□□□□□□□首資德大  
夫□制誥□□國□□□□□□□□□□□□  
□□□□□國忠穆公□文用其□曰資德大夫僉樞  
密院事典瑞卿贈體仁保德佐運功臣□□□□同  
三司上柱國趙國正獻公□文忠□□□□在□□□  
□□□資政大夫御史中丞□□□肅政功□□□  
□府儀同三司上柱國□國清獻公□士珍之第五子  
也我國家之法信尚勲舊子孫之□□□□□□  
而論之則存乎□人矣□□□□□□□□□□□□



□□□□帝□□□□□分□其大者□□□□  
□□□□□□□□□□左丞率師取□□□成  
功忠穆公文學□□狗□論□為時師表正獻公淵亮  
國□□□□□□□□方符寶非純□□□□□□  
□□□□□□□□□□□□□□□□□股  
肱心腹□□□□□□□□□□□□□□□□

□□□□□□<sub>此下空</sub>

□□□□門□□□□□□□□至□□□之□□□  
一二□□□□□□□□□□□□□□本有如董氏  
之□者也御史中丞之位公家居之者六人在□□□  
□□公在大德則忠獻公□子忠宣公士選□□□□

皆中丞以他族罕比也

國家禁衛之國至如

不

其年

亦如之延祐中公雖成

如大

不知

弟得以

臣兄守中是

初置集

義以輔聖臣實

以公

勿缺下空

止

以

姓

而□名其第亦異數也□□□□□□□□□□□□□□□□

□□□□□□□□□□□□□□□□□□□□□□□□□□□□

有父師□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

□□□□□□□□□□反復命上曰來何遲公□□□□□□□□

□□□□□□□□□□□□□□□□□□□□□□□□□□□□

□□□□□□□□□□上曰卿朕之汲□□□□□□□□□□□□

□□□□□□□□□□□□□□□□□□□□□□□□□□□□

政平易□有□民□□□□□□□□不能□公一日盡按而

除之民□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□



有

不能

以

政民公

如自



有發不

後必

奉不以為



祖父之

雨大

[illegible]

人皆得執弓矢

中書方其用

且者上曰朕還中書

未晚也

秋下空

世有大

志其進階榮祿大夫

者方也公感激心以也而丁  
豈非天乎公率子與諸國夫人  
氏子清公徵起其瑞也得之  
賓其者與第九十也  
天為甚者與第九十也  
臣見之皆禮敬乎感以文  
公氏  
人  
絳  
家  
教  
子  
有  
法  
次

夫人王氏克守口口子二人長曰鉞口口保口先訓在  
口宿衛先公卒次日鉞口口立女二長適秘書監丞  
鄭鄰次適口口丞張口口口口口口口口口口口口  
口與國公口口忠口口口口口口口口口口口口口  
口遇祭祀則致以口婚喪皆有所給公口口書而口  
口口所口口人口口多士大興于口誰汴口口口口  
三皇之廟家居訓子必延碩師里中口口口口口口  
口口口口師之所用公盡資之口口口口口口口口  
口以遺口口口口士大夫必以禮待鄉口亦以其敬富  
貴之氣未嘗少見于辭色公將屬續召鉞告之曰先清  
獻公神道之口未立我深念之在中書時有口口命鉞

林學士承 有歐陽公祠張公起蟻姓公席口口口  
口我不諱汝趣成之我死見先人於地下乃無愧矣無  
一言及其家事得年五十有五公葬鎧即伐石樹清獻  
公碑卒成公之志弟氏先塋在九門東五里高里村集  
蚤以諸生受知忠宣公館口其口口口一謁清獻公  
公進而與之坐口口口則口口大臣之言口口其子靖  
獻公口仲游每歎其言直庶簡溫有古昔世家之度集  
後以文史經誼待罪館閣一二君子天下口口其口口  
口口者口年來去世盡矣集庸詎知耄耋之齒後死  
窮口而復執筆書中丞公之事乎廼口銘以口之其辭  
口於皇聖明 中立覆載 至仁至誠 天與同大

如陽 無間內外 高厚悠欠 以據元會 瞻

求元臣 代我天工 天職天祿 為大公 願

自我

祖宗 六世百年 文言武功 有懿孫子 在百

襲甲冑 進退出入 清慎如一 衆氏莫及

簡在

上心 匪私匪亟 惟中丞公 忠厚粹淳 溫溫其

恭 惟惟其真 惟 國惟家 于心于身

今之純臣 古之德人 史占執法 嵩極

我

皇心 堂上太息 歸禮其家 有棘 求忠寔

來 其□□□ 言觀墓城 □於九門 陰陽流泉

往來風雲 □□□林 君子之文 我辭□之

以相後昆

至正八年冬十有一月 日建石 門下諸生恒陽

王鑑及獲應 郝誠 □謹□<sub>下</sub>缺

石神道碑銘虞集撰蘇天爵書張起巖篆額案寧簡

薨於至正六年五月葬於六月據碑云故事大臣既

葬則載其功德行事歲月於金石表諸墓道禮也知

碑文卽撰於是年至八年始行上石計是時集已歸

卒臨川矣天爵元史有傳傳載至正四年召爲集賢

侍講學士兼國子祭酒明年出爲山東道肅政廉訪



使尋召還集賢充京畿奉使宣慰以忤時相意坐不  
稱職罷歸七年復起爲湖北道宣慰使浙江道廉訪  
使俱未行拜浙江行省參知政事碑立於八年列銜  
仍稱集賢侍講學士兼國子祭酒碑當書於宣撫罷  
歸後正六年七年間事也守簡元史無傳名見宰相  
表黃文獻公文集有至正八年奉勅撰冀國忠肅董  
公神道碑天爵滋溪文彙有董忠肅公墓志銘載其  
事蹟甚詳此碑爲道園學古錄所不載文凡四千數  
百字漫漶已甚可辨者僅千二百餘字大半不成句  
讀今以黃碑蘇志證之猶能得其崖略黃碑稱至正  
八年春二月制贈故御史中丞董公守簡推誠佐治

濟美功臣榮祿大夫河南江北等處行中書省平章政事柱國追封冀國公謚忠肅此碑撰於八年前而標目已備書贈官爵謚蓋刻碑時所追書耳碑中事蹟可辨者與黃碑蘇志大略相同惟次夫人王氏則黃碑所無而蘇志亦有之

董守禮墓碑

石高三尺三寸五分廣二尺一寸五分三行行六字正書無年月今在臺城南董村墓上

大元故奉議大夫晉園路吉州知州董公之墓

右碑無年月及書碑人姓名案泰定元年王滹南先生祠堂記碑陰題名有董守禮列銜與此同此卽其墓石

# 修韓太保墓記

碑高二尺七寸廣一尺七寸十八行行二十五字額題修韓太保墓記六字並正書至正十二年七月十五日立今在靈壽縣西界安村積善寺

# 修韓太保墓記

靈壽張士中習儒通醫誠好古之士也故宋太保韓公墓在邑之西北歷年悠久遺塚僅存縱有金石紀其蹟不幸又卧於地下況口之餘田盡為他人所耕種未有能究其顛末者士中精神念慮□□經營算理志未竟己丑秋趙州劉侯繼善來尹茲邑□□之初士中即白其事侯曰恩代聖帝明王忠臣烈士載在祀典者有司涓潔致祭陵墓所在並禁樵採此我國家之明制也韓

氏門族之盛為宋朝冠其忠烈雖非祀典所載於史冊  
照如日星陵墓所在安得不禁其樵採乎侯慨然率士  
中即日興工役先築垣牆百餘□次則樹其碑石禁其  
耕種即其舊而一新之使韓氏英魂□諸九泉下則侯  
之功居多邑人請曰太保韓公□□涵月明久□吾邑  
官雖政政交輝賢賢接踵未有若刘□□為韓氏念者  
其於勸忠獎善誠非小補紀實刊珉未為過□□古人  
嘗言君子之澤五世而斬小人之澤五世而斬大約君  
子小人五世□絕也若韓氏者四世贈一品衣冠傳七  
世豈特五世而已□流風餘韻至今使人起敬寧不盛  
矣哉雖然知韓氏之功者惟刘侯成刘侯之志者惟張

子與曰靈壽士克勤厥忠以緩□□未必不自二君勸  
至正壬辰七月望東平鄉貢進士趙括記

右碑趙括撰無書人姓名括無攷靈壽縣志韓太保  
墓在縣西十五里阜安村舊志謂卽韓忠獻億墓今  
積善寺西南相去一射地俗所謂虎墳者是也宋史  
韓億傳億字宗魏其先真定靈壽人徙開封之雍邱  
舉進士爲大理評事官至尚書左丞以太子少傅致  
仕卒贈太子太保諡忠獻東都事略及韓宗厚墓志  
韓宗道墓志並作忠憲  
今其墓在河南許州城東北三十里有神道碑存又  
許州有朱光裔撰韓宗厚墓志謂君諱宗厚潁昌府  
長社人曾祖諱保樞贈太師開府儀同三司陳國公

祖諱億皇任太子少傅致仕贈太師開府儀同三司  
冀國公謚忠憲又曾肇撰韓宗道墓志言韓氏世家  
常山自累贈太師開府儀同三司冀國忠憲公諱億  
以文學起家致位政府始葬其父累贈太師開府儀  
同三司陳國公諱保樞於潁昌府長社縣遂爲潁昌  
人又宗厚志稱葬於潁昌府長社縣嘉禾鄉靈井里  
先塋之次宗道志亦稱祔忠憲公兆宋史地理志潁  
昌府本許州元豐三年升府二志一刻於紹聖四年  
一刻於元符二年故稱潁昌府卽今之許州然則靈  
壽之墓不特非億且非保樞葬所明矣史謂億徙雍  
耶乃就其自靈壽始遷河南言之而不攷其後之再

遷穎昌也則記所云韓太保墓者當是億之祖以上  
瑩兆太保是其封贈之官修志者不加攷核遂以韓  
億當之誤矣攷東坡全集有贈封韓維三代制曾祖  
處均燕國公維卽億之第五子據此知億祖名處均  
其曾祖名未詳但不知墓中人卽處均否耳

橐城縣宣聖廟繪塑記

碑高四尺九寸廣二尺二寸二行行三十六  
字正書篆額至正十二年六月立今在橐城縣學

橐城縣宣聖廟繪塑記

橐城縣宣聖廟繪塑記

承德郎兗江南浙西道肅政廉訪司事楊俊民撰

承務郎永寧路筠連州知州趙庸中書 隱士劉道

隆篆額

孔子既沒魯哀公廟于故宅終兩漢不出闕里魏晉以後漸及郡國唐開元進顏子配饗升曾子以足十哲前宋又進孟子並配後宋益曾子子思於顏孟之間復躋子張於曾子之位夫十哲困厄陳蔡各品其長二子未嘗在行陟之何謂及門弟子司馬遷於世家曰七十二人於傳曰七十七人□自抵牾又與家語不合惟孟子於夫子居密世邇躬事其孫乃曰如七十子之服孔子也宜以是為定然歷代不聞舉而正之者先達姚文公力□其非竟云議禮制度考文天子之事人臣有見列而上之不敢專也善夫國以充廊浙鄒之爵錫以復宗



述亞之號東坐面向載諸令甲則

聖元一代之典□迄今尚有未升曾思大郡且然況小  
邑乎甚矣斯文之難也橐城縣廟學其來尚矣曾思尚  
闕兩廡七十子舊圖于壁歲久墜隳不完至正八年冬  
主簿張從先來蒞是邑廟謁之日即存諸心簿儒者也  
由教授滄州而遷白於縣尹李椿典史王明德慨然倡  
和割俸緡次第舉行好事者樂為之助未嘗撓于民廼  
命善塑者補二配饗于殿衣冠如制善畫者繪七十子  
暨十儒于兩廡幅以縑素軸為兩像凡四十軸裝潢精  
緻齋龔唯謹二丁朔望以次列之又祭器之弊者新之  
既備職亦滿教諭孔彙嘉其事請於縣尹梁師義主簿

安維欲勒石以示將來遂徵記于漳川楊俊民俊民竊  
謂豪為真定劇縣先賢之典型尚在故文風士習與他  
邑殊今政于此者克浚其化源此善於治者也况簿以  
文學進其於禮文之闕固欲脩復而報本之意亦惓惓  
乎其未已則鐫之貞石垂請永久孰曰不可由是推明  
禮之外且闕者於首而實所以嘉其用心之勤以為他  
郡邑之倡也

至正壬辰季夏吉日 橐城縣儒學教□□景 張

思溫 在城繪塑匠董遷扈宗明 扈宗義同立石

恒陽石工王禹石懷宝刊 趙□□

右記楊俊民撰趙庸中書劉道隆篆額道庸無攷庸

中見泰定元年潯南先生祠碑陰列銜爲武昌管民  
提舉此作承務郎永圖路筠連州知州當是游升之  
官攷聖賢畫象見於史書金石者若漢文翁之石室  
石象韓勅修孔廟後碑有改畫聖象語後漢書蔡邕  
傳靈帝光和元年置鴻都門學畫孔子及七十二弟  
子象是也至塑象不知始於何時東魏興和三年袁  
州刺史李仲璇修孔子廟碑有修建容象及雕素十  
哲語或以爲肇自仲璇然碑稱修建是廟中本有聖  
賢塑象仲璇特修治之耳唐會要開元八年國子司  
業因李元瓘奏詔以顏子等十哲爲坐象並令從祀  
曾參大孝德冠同列特爲塑象坐於十哲之次因圖

畫七十弟子及二十二賢於廟壁此聖賢塑象見於  
史書之最古者卽碑所云唐開元進顏子配饗升曾  
子以足十哲是也然顏子配饗實不始於開元太宗  
貞觀二年房元齡等建議停祭周公升孔子爲先聖  
以顏回配享亦見唐會要

### 齊守忠墓碑

碑高四尺廣一尺六寸三行行十字前後題名二行  
並正書至正十二年九月立今在晉州城東北十五  
里墓上

大元宣贈朝散大夫同知保定路總管府事騎都尉追  
封汝南郡伯齊公之塋

應奉翰林文字文林郎同知制誥兼國史院編脩官

韓華中書

至□壬辰九月吉日朝散大夫同知□□路總管府  
事孝□□從周并□弟□下缺

右碑韓華中書齊從周係立石之人案碑同知下泐  
二字當是保定孝下泐一字當是男字齊公之散官  
職事與其子從周同又有宣贈字是其子封贈之官  
非其生前所親歷者又紀年至□壬辰至下泐一字  
元有兩至元及至大至治至順至正至大至治至順  
後至元無壬辰前至元二十九年至正十二年皆歲  
次壬辰元史選舉志封贈之制至元初唯一二勲舊  
之家以特恩見褒雖有成法未悉行之至治三年因

省臣言詔從新設法議擬與行禮部從新分立等第  
正從一品封贈三代正從二三品封贈二代正從四  
五品封贈父母此碑所書齊公之散官勳爵並從四  
品與至治三年禮部新立封贈等第相符知此刻係  
至正壬辰無疑矣又元制一品至五品爲宣授六品  
至九品爲勅授勅授則中書署牒宣授則以制命之  
齊公官係從四品正合宣授之制故有宣贈之稱也  
韓華中齊從周皆無攷

常山貞石志卷二十三